

# ТРОПАРИ И КОНДАКИ ВОСКРЕСНЫЕ

---

## Глас 1

### Тропарь:

Кáмени запечатану от иудей/ и воином стрегущим Пречистое Тело Твое,/ воскресл еси триднѣвный, Спасе,/ даруй ми́рови жизнь./ Сего́ ради Силы Небѣсныя вопияху Ти, Жизнодавче:/ слава Воскресѣнию Твоему́, Христе́,/ слава Цáрствию Твоему́, // слава смотре́нию Твоему́, еди́не Человеколю́бче.

### Кондак:

Воскрѣсл еси́ яко Бог из грóба во сла́ве,/ и мир совоскрѣсил еси́;/ и естество́ челове́ческое яко Бо́га воспева́ет Тя, и смерть исче́зѣ;/ Ада́м же ликует, Влады́ко;/ Ёва ны́не от уз избавля́ема радуется, зову́щи:// Ты еси́, Иже всем пода́я, Христе́, воскресе́ние.

## Глас 2

### Тропарь:

Егда́ снизше́л еси́ к сме́рти, Животе́ Безсме́ртный,/ тогда́ ад умертвил еси́ блиста́нием Божества́;/ егда́ же и умерши́я от преисподних воскресил еси́,/ вся Силы Небѣсныя взыва́ху:// Жизнодавче, Христе́ Бо́же наш, сла́ва Тебе́.

### Кондак:

Воскрѣсл еси́ от грóба, Всесильне Спасе,/ и ад, видев чúdo, ужасѣся,/ и мёртвии воста́ша;/ тварь же видя́щи сра́дуется Тебе́,/ и Ада́м свеселится, // и мир, Спасе мой, воспева́ет Тя при́сно.

## Глас 3

### Тропарь:

Да веселя́тся Небѣсная,/ да раду́ются земна́я,/ яко сотвори́ держа́ву/ мѣшцею Сво́ею Госпо́дь,/ попра́ сме́ртию смерть,/ пѣрвенец мёртвых бысть;/ из чре́ва а́дова изба́ви нас, // и подаде́ ми́рови ве́лию мѣлость.

### Кондак:

Воскрѣсл еси́ днесь из грóба, Ще́дре,/ и нас возвел еси́ от врат сме́ртных;/ днесь Ада́м ликует, // и радуется Ёва, // вку́пе же и проро́цы с патриáрхи воспева́ют непреста́нно // Божѣственную держа́ву вла́сти Твоея́.

## Глас 4

### Тропарь:

Свѣтлую Воскресе́ния про́поведь/ от А́нгела уве́девша Госпо́дни учени́цы/ и пра́дее-нее осужде́ние отвѣргша,/ апо́столом хваля́щаяся глаго́лаху:/ испроверже́ся смерть,/ воскре́се Христос́ Бог, // даруй ми́рови ве́лию мѣлость.

### Кондак:

Спас и Изба́витель мой/ из грóба, яко Бог, воскреси́ от уз земно́родных,/ и врата́ а́дова сокруши́, // и яко Влады́ка // воскре́се триднѣвен.

### Глас 5

#### Тропарь:

Собезначальное Слово Отцу и Духови,/ от Девы рождающееся на спасение наше,/ воспойм, вернии, и поклонимся,/ яко благоволи плотию взыти на Крест,/ и смерть претерпети,/ и воскресити умершия// славным Воскресением Своим.

#### Кондак:

Ко аду, Спасе мой, сошел еси,/ и врата сокрушивый яко всеилен,/ умерших яко Создатель совоскресил еси,/ и смерти жало сокрушил еси,/ и Адам от клятвы избавлен бысть, Человеколюбче;/ темже вси зовем:// спаси нас, Господи.

### Глас 6

#### Тропарь:

Ангельския Силы на гробе Твоем,/ и стрегущии омертвеша,/ и стояше Марія во гробе,/ ищущи Пречистаго Тела Твоего./ Пленил еси ад, не искусився от него;/ встретил еси деву, даруяй живот.// Воскресый из мертвых, Господи, слава Тебе.

#### Кондак:

Живоначальною дланию/ умершия от мрачных удолий/ Жизнодавец воскресив всех Христос Бог,/ воскресение подаде человеческому роду:/ есть бо всех Спаситель,// Воскресение и Живот, и Бог всех.

### Глас 7

#### Тропарь:

Разрушил еси Крестом Твоим смерть,/ отверзл еси разбойнику рай,/ мирносицам плач предложил еси,/ и апостолом проповедати повелел еси,/ яко воскресл еси, Христэ Боже,/ даруяй миру// велию милость.

#### Кондак:

Не ктому держава смертная/ возможет держати человеки:/ Христос бо сниде, сокрушая и разоряя силы ея;/ связуемьбывает ад,/ пророцы согласно радуются,/ предста, глаголюще, Спас сущим в вере:// изыдите, вернии, в воскресение.

### Глас 8

#### Тропарь:

С высоты низшел еси, Благоутробне,/ погребение приял еси тридневное,/ да нас свободиши страстей,// Животе и Воскресение наше, Господи, слава Тебе.

#### Кондак:

Воскрес из гроба, умершия воздвигл еси,/ и Адама воскресил еси, и Ева ликует во Твоем Воскресении,/ и мирстии концы торжествуют// еже из мертвых востанием Твоим, Многомилостиве.

# ТРОПАРИ, КОНДАКИ И ВЕЛИЧАНИЯ ОБЩИЕ

---

## В праздники Богородичные

### Тропарь, глас 4:

К Богородице прилѣжно ныне притецѣм,/ грѣшнии и смиреннии, и припадѣм,/ в покаянии зовуще из глубины душ:/ Владычице, помози, на ны милосердовавши,/ потщися, погибаем от множества прегрешений,/ не отврати Твоя рабы тщи,// Тя бо и еди́ну надежду има́мы.

### Кондак, глас 6:

Предстательство христиа́н непосты́дное,/ ходата́йство ко Творцу́ непреложное,/ не презри грѣшных моле́ний гласы,/ но предвари, я́ко Благая, на по́мощь нас,/ ве́рно зовущих Ти,/ ускори на моли́тву, и потщися на умоле́ние,// предста́тельствующи при́сно, Богородице, чтущих Тя.

### Величания:

Досто́йно есть/ велича́ти Тя, Богородице,/ честне́йшую Херувим/ и сла́внейшую// без сравне́ния Серафим.

Велича́ем Тя,/ Пресвята́я Де́во,/ Богоизбра́нная Отрокови́це,/ и чтим о́браз Твой святы́й,/ я́мже то́чиши исцелѣния// всем с ве́рою притека́ющим.

## Святых Бесплотных Сил

### Тропарь, глас 4:

Небе́сных во́инств Архистрати́зи,/ мо́лим вас при́сно мы недосто́йнии,/ да ва́шими моли́твами оградите́ нас/ кро́вом крил невеще́ственныхя ва́шея сла́вы,/ сохраня́юще нас, припада́ющих прилѣжно и вопи́ющих:/ от бед изба́вите нас,// я́ко чинонача́льницы вы́шних Сил.

### Кондак, глас 2:

Архистрати́зи Бо́жии,/ служи́телие Божѣ́ственныхя сла́вы,/ А́нгелов нача́льницы и челове́ков наста́вницы,/ полѣ́зное нам проси́те и ве́лию ми́лость,// я́ко Безплотных Архистрати́зи.

### Величание:

Велича́ем вас,/ Арха́нгели и А́нгели/ и вся во́инства,/ Херувими́и и Серафими́и,// сла́влящия Го́спода.

## Святых отцов

### Тропарь, глас 8:

Препросла́влен еси́, Христе́ Бо́же наш,/ свети́ла на земли́ отцы́ на́ша основа́вый/ и те́ми ко и́стинней ве́ре вся ны наста́вивый,// Многобла́гоутро́бне, сла́ва Тебе́.

### Кондак, глас 8:

Апо́стол проповѣдание и о́тец догма́ты/ Це́ркве еди́ну ве́ру запечатле́ша,/ я́же и ри́зу нося́щи и́стины, истка́нну от е́же свѣ́ше богосло́вия,// исправля́ет и сла́вит благоче́стия вели́кое та́инство.

## Пророка

### Тропарь, глас 2:

Проро́ка Твоего́ (*имярек*) па́мьятъ, Го́споди, прáзднуююще, / тем Тя мо́лим: // спаси́ ду́ши на́ша.

### Кондак, глас 4:

Просвети́вшееся Ду́хом чи́стое твоё се́рдце / проро́чества бысть светле́йшаго прия́телище, / зриши бо я́ко настоя́щая далéче су́щая, / сего́ ра́ди ты почита́ем, // проро́че блаже́нне (*имярек*), сла́вне.

### Величание:

Велича́ем тя, / проро́че Бо́жий (*имярек*), / и чтим святу́ю па́мьятъ твою́, / ты бо мо́лиши о нас // Христа́ Бо́га на́шего.

## Апостола

### Тропарь, глас 3:

Апо́столе святы́й (*имярек*), / моли́ Ми́лостиваго Бо́га, / да прегреше́ний оставле́ние // пода́ст душáм на́шим.

### Кондак, глас 4:

Я́ко звезду́ пресве́тлую / Це́рковь всегда́ стяжа́ ты, / апо́столе (*имярек*), / чуде́с Твои́х многоподава́нием просвеща́ема, / Те́мже зове́м Христу́: / спаси́ чту́щих ве́рою // па́мьятъ Твоего́ апо́стола, Многоми́лостиве.

### Величание:

Велича́ем тя, / апо́столе Христов ( *имярек* ), / и чтим болéзнь и труды́ тво́я, / и́миже трудился еси́ // во благовéстии Христове.

## Апостолов

### Тропарь, глас 3:

Апо́столи святы́и, / моли́те Ми́лостиваго Бо́га, / да прегреше́ний оставле́ние // пода́ст душáм на́шим.

### Кондак, глас 4:

Лóзие явисте́ся Христо́ва виногра́да, му́дрии, / грóздие принося́ще в добродéтелях, / вино́ нам спасéния источа́юще, / егóже прие́млем, весéлия исполня́ющесе. / Прáзднуем честну́ю ва́шу па́мьятъ, / в ню́же моли́те дарова́тися нам вели́цей ми́лости и отпу́щению грехо́в, // Господни апо́столи.

### Величание:

Велича́ем вас, / святы́и апо́столи, / весь мир учёными́ свои́ми просвети́вшия, / и вся концы́ // ко Христу́ привéдшия.

### Святителя

#### Тропарь, глас 4:

Правило веры и образ кротости,/ воздержания учителя/ яви ты стаду твоему/ Яже  
вещей Истина,/ сего ради стяжал еси смирением высокая,/ нищетю богатая,/ отче  
священноначальниче (имярек),/ моли Христа Бога// спастися душам нашим.

#### Кондак, глас 2:

Божественный гром, труба духовная,/ веры насадителю и отсекателю ересей./ Троицы  
угодниче,/ великий святителю (имярек),/ со Ангелы предстоя присно,// моли непре-  
станно о всех нас.

#### Величание:

Величаем тя,/ святителю отче (имярек), /и чтим святую память твою,/ ты бо молиши  
о нас// Христа Бога нашего.

### Святителей

#### Тропарь, глас 4:

Боже отец наших,/ творяй присно с нами по Твоей кротости,/ не остави милость  
Твою от нас,/ но молитвами их// в мире управи живот наш.

#### Кондак, глас 8:

Яко добродетелей учителя и иерархов украшение,/ Церковь поюши вас славит,/  
молитвами вашими подайте чтущим вас любовь/ добродетелей исправление и соблаз-  
нов избавление,// яко непобедими.

#### Величание:

Величаем вас,/ святители велицыи,/ и чтим святую память вашу,/ вы бо молитесь за  
нас// Христа Бога нашего.

### Мученика

#### Тропарь, глас 4:

Мученик Твой, Господи, (имярек)/ во страдании своем венец прият нетленный от  
Тебе, Бога нашего,/ имея бо крепость Твою,/ мучителей низложил,/ сокрушил и демонов  
немошныя дерзости./ Того молитвами// спаси души наша.

#### Кондак, глас 2:

Звезда светлая явился еси, непременная миру,/ Солнца Христа возвещаючи,/ зарями  
Твоими, страстотерпче (имярек),/ и прелесть погасил еси всю,/ нам же подавши  
свет,// моляся непрестанно о всех нас.

#### Величание:

Величаем тя,/ страстотерпче святыи (имярек),/ и чтим честная страдания твоя,/ яже  
за Христа// претерпел еси.

## Мученицы

### Тропарь, глас 4:

Агница Твоя, Иисусе, (*умярек*)/ зовёт велиим гласом:/ Тебё, Женише мой, люблю,/ и, Тебё ищущи, страдальчествую/ и сраспинаюся и спогребаяюся Крещению Твоему,/ и стражду Тебё ради, яко да царствую в Тебё,/ и умираю за Тя, да и живу с Тобою,/ но яко жертву непорочную приими мя, с любовью пожёршуюся Тебё.// Тоя молитвами, яко Милостив, спаси души наша.

### Кондак, глас 2:

Храм Твой всечестный яко цельбу душевную обрётше,/ вси вернии велегласно вопиём ти:/ дево мученице (*умярек*) великоименитая,// Христа Бога моли непрестанно о всех нас.

### Величание:

Величаем тя,/ страстотерпице Христова (*умярек*),/ и чтим честное страдание твоё,/ ёже за Христа// претерпела еси.

## Мучеников

### Тропарь, глас 4:

Мученицы Твой, Господи,/ во страданиях своих венцы прияша нетленные от Тебё, Бога нашего,/ имуще бо крепость Твою,/ мучителей низложиша,/ сокрушиша и демонов немощныя дерзости./ Тех молитвами// спаси души наша.

### Кондак, глас 2:

Светильницы светлии явльшися, божественнии мученицы,/ тварь всю светлостью чудес озаряете,/ недуги разрешающе и глубокую тьму всегда отгоняюще,// Христу Богу молящися непрестанно о всех нас.

### Величание:

Величаем вас,/ страстотерпцы святии,/ и чтим честная страдания ваша,/ яже за Христа// претерпели есте.

## Мучениц

### Тропарь, глас 1:

Агницы словесныя Агнцу и Пастырю,/ приведостеся мучением ко Христу,/ течение скончавше/ и веру соблюдше,/ темже днесь радостною душею совершаем, досточуднии, святую вашу память,// Христа величающе.

### Кондак, глас 4:

Страстотерпиц Христовых память празднуем,/ и верою просяще помощи/ избавитися всем от всякия скорби, зовуще:/ Бог наш с нами,// Иже сих прославивый, якоже изволи.

### Величание:

Величаем вас,/ страстотерпицы святыя,/ и чтим честная страдания ваша,/ яже за Христа// претерпели есте.

**Священномученика**

**Тропарь, глас 4:**

И нравом причастник,/ и престолом наместник апостолом быв,/ деяние обрел еси,  
богодуховенне,/ в видения восход:/ сего ради слово истины исправляя,/ и веры ради  
пострадал еси даже до крове,/ священномучениче (имярек),/ моли Христа Бога// спастися  
душам нашим.

**Кондак, глас 4:**

Во святителех благочестно пожив/ и мучения путь прошед,/ идольския угасил еси  
жертвы,/ и поборник быв твоему стаду, богоумдре./ Темже ты почитающе, тайно вопиём  
ти:/ от бед избави ны присно твоими мольбами, // отче наш (имярек).

**Величание:**

Величаем тя,/ священномучениче (имярек),/ и чтим святую память твою,/ ты бо моли-  
ши о нас// Христа Бога нашего.

**Священномученика XX века**

**Тропарь, глас 3:**

Церкве Русския столпе непоколебимый,/ благочестия правило,/ жития евангельска-  
го образе,/ священномучениче (имярек),/ Христа ради пострадавший даже до крове,/ Егоже моли усердно,/ яко Начальника и Совершителя спасения,/ Русь Святую утвер-  
дить в Православии// до скончания века.

**Кондак, глас 2:**

Восхвалим, вернии,/ изряднаго во святителех (или священниках)/ и славнаго в муче-  
никах (имярек),/ Православия поборника и благочестия ревнителя,/ земли Русския  
красное прозябение,/ иже страданием Небес достиже/ и тамо тепле молит Христа Бога//  
спастися душам нашим.

**Величание:**

Величаем тя,/ священномучениче (имярек),/ и чтим честная страдания твоя,/ яже  
за Христа/ во утверждение на Руси Православия// претерпел еси.

**Священномучеников**

**Тропарь, глас 4:**

Боже отец наших,/ творяй присно с нами по Твоей кротости,/ не остави милость  
Твою от нас,/ но молитвами их// в мире управи живот наш.

**Кондак, глас 3:**

Яко светильницы незаходимии разумнаго солнца,/ сошедшеся днесь восхвалим  
песньми,/ возсияли бо есте сущим во тьме неразумия,/ всех созывающе к высоте  
благочестия, священномученицы./ Тем вопиём вам:// радуйтесь, постников всех  
основание.

## Тропари, кондаки и величания общие

### Величание:

Велича́ем вас,/ священномученицы Христо́вы,/ и чтим святу́ю па́мять ва́шу,/ вы бо мо́лите за нас// Христа́ Бо́га на́шего.

### Преподобномученика

Тропарь (см. общий преподобного)

### Кондак, глас 2:

Яко по́стника благоче́стна, и иску́сна,/ и страда́льца произволе́нием че́стна,/ и пусты́ни жи́теля сообра́зна,/ в пе́снях досто́йно восхва́лим (*умярек*) приснохва́льнаго, // то́й бо зми́я попрáл е́сть.

### Величание:

Ублажа́ем тя,/ преподобномучениче (*умярек*),/ и чтим святу́ю па́мять твою́,/ наста́вниче мона́хов// и собесéдниче Ангелов.

### Преподобномученицы

Тропарь (см. общий мученицы)

### Кондак, глас 4:

Божественная па́мять тво́я, (*умярек*), днесь возсия́вши,/ яви́ся ми́рови яко со́лнце,/ сказа́ющи жити́е тво́е:/ ты́ бо воздержáнием плотскáя двизáния разорши,/ и страда́ния кро́вию уневе́стилася еси́ Христо́ви./ Те́мже хва́лящия тя изба́ви от вся́ких зол, да зове́м ти:// ра́дуйся, ма́ти преподо́бная.

### Величание:

Велича́ем тя,/ страсотерпице святая (*умярек*),/ и чтим святу́ю па́мять твою́,/ ты бо мо́лиши за нас// Христа́ Бо́га на́шего.

### Преподобномученицы XX века

### Тропарь, глас 5:

Христа́ Го́спода Иису́са ве́рная учени́це,/ Це́ркве Росси́йския избра́нная а́гнице,/ преподо́бная страсотерпице (*умярек*),/ лёгкое и́го и я́звы Его́ любви́ю нося́щи,/ ле́ствицею муче́ний/ к Немú, яко Небе́сному Женихú, востекла́ еси́,/ Его́же моли́ сохра́нити в благоче́стии лю́ди Росси́йския// и спасти́ ду́ши на́ша.

### Кондак, глас 4:

Яко крин багряновидный,/ посреде́ те́рний безбо́жия/ в земне́м оте́честве тво́ем процвела́ еси́,/ преподобномученице (*умярек*) че́стная,/ по́двиги воздержáния страда́нием украси́вши,/ востекла́ еси́ к Небе́сному Женихú Христу́, // Иже увенча́ тя красото́ю сла́вы нетле́нная.

### Величание:

Велича́ем тя,/ страсотерпице преподо́бная ма́ти (*умярек*),/ и чтим че́стная страда́ния тво́я,/ я́же за Христа́/ во утвержде́ние на Руси́ Правосла́вия// претерпе́ла еси́.



## Преподобномучеников

### Тропарь, глас 4:

Бо́же оте́ц на́ших,/ тво́рай прѣсно с на́ми по Тво́ей крѣтости,/ не отста́ви ми́лость Тво́ю от нас,/ но моли́твами их// в ми́ре упра́ви живо́т наш.

### Кондак, глас 2:

Волне́ний мно́жество невла́жно проходя́ще,/ безплѣтныя враги́ стру́ями слез ва́ших крѣпко погрузи́ли есте́,/ богому́дрии и преподо́бнии,/ и чуде́с дар при́ймше,// моли́те непреста́нно о всех нас.

### Величание:

Ублажа́ем вас,/ преподо́бнии му́ченицы,/ и чтим святу́ю па́мь ва́шу,/ наста́вницы мона́хов,//и собесѣдницы А́нгелов.

## Священноисповедника и преподобноисповедника

### Тропарь, глас 8:

Правосла́вия наста́вниче,/ благоче́стия учи́телю и чистоты́,/ вселе́нныя светѣльниче,/ архиере́ев богодухнове́нное удо́брение,/ (*и́мярек*) прему́дре,/ уче́ными тво́ими вся просвети́л еси́, цевни́це духо́вная,// моли́ Христа́ Бо́га спасти́ся душа́м на́шим.

### Кондак, глас 2:

Наслади́вся, богому́дре, воздержáния,/ и желáния плѣтская́ ты успѣ́л еси́,/ яви́вся ве́рою возвращáем,/ и я́ко живота́ дре́во райское, процвѣ́л еси́,// (*и́мярек*), ѓтче священ́ный.

**Величание священноисповедника** (см. общее святителя)

**Величание преподобноисповедника** (см. общее преподобного)

## Преподобного

### Тропарь, глас 8:

В тебе́, ѓтче, изве́стно спасе́ся е́же по ѓбразу:/ при́йм бо Крест, послѣ́довал еси́ Христу́,/ и де́я учи́л еси́ презира́ти ўбо плѣть, прехѳ́дит бо,/ прилежа́ти же о души́, ве́щи безсме́ртней,// те́мже и со А́нгелы сра́дуется, преподо́бне (*и́мярек*), дух твой.

### Кондак, глас 2:

Чистото́ю душе́вною божѣственне вооружѣ́вся,/ и непреста́нныя моли́твы я́ко копие вручи́в крѣпко,/ пробѳ́л еси́ бесѳ́вская ополче́ния,/ (*и́мярек*), ѓтче наш,// моли́ непреста́нно о всех нас.

### Величание:

Ублажа́ем тя,/ преподо́бне ѓтче (*и́мярек*),/ и чтим святу́ю па́мь твою́,/ наста́вниче мона́хов//и собесѣдни́че А́нгелов.

## Преподобной

### Тропарь, глас 8:

В тебе́, ма́ти, изве́стно спасе́ся е́же по ѓбразу:/ при́ймши бо Крест, послѣ́довала еси́ Христу́,/ и де́ющи учи́ла еси́ презира́ти ўбо плѣть, прехѳ́дит бо,/ прилежа́ти же о души́, ве́щи безсме́ртней,// те́мже и со А́нгелы сра́дуется, преподо́бная (*и́мярек*), дух твой.

## Тропари, кондаки и величания общие

### Кондак, глас 2:

За любовь Господню, преподобная,/ покая желание возненавидела еси,/ пощением дух твой просветивши:/ крепко бо звери победила еси;/ но молитвами твоими//противных шатание разори.

### Величание:

Ублажаем тя,/ преподобная матери (имярек),/ и чтим святую память твою,/ ты бо молиши о нас//Христа Бога нашего.

### Преподобных

#### Тропарь, глас 4:

Боже отец наших,/ творяй присно с нами по Твоей кротости,/ не остави милость Твою от нас,/ но молитвами их//в мире управи живот наш.

### Кондак, глас 2:

Волнений множество невлажно проходяще,/ безплотныя враги струями слез ваших крепко погрузили есте,/ богомудрии и преподобнии,/ и чудес дар приемше,// молитве непрестанно о всех нас.

### Величание:

Ублажаем вас,/ преподобнии отцы,/ и чтим святую память вашу,/ наставницы монахов,//и собеседницы Ангелов.

### Преподобных жен

#### Тропарь, глас 2:

Истинному желанию уневестившися, хриославнии,/ и временнаго обручника отвергшися совокупления,/ и добродетельными подвиги возрастше,/ на высоту востекосте нетления,/ краснодушнии и многобогатнии,/ столпы монашествующих жен и правило,/ темже о нас молитве непрестанно,//любовию вашу память празднующих.

### Кондак, глас 2:

Телеса своя постом изнуривши,/ и неусыпными молитвами моляще Зиждителя о гресех своих,/ яко да примете совершенное прощение,/ и приясте божественное оставление/ и царствие небесное,//молите Христа Бога о всех нас.

### Величание:

Ублажаем вас,/ преподобнии матери,/ и чтим святую память вашу,/ вы бо молитесь за нас//Христа Бога нашего.

### Бессребреников

#### Тропарь, глас 8:

Святии безсребреницы и чудотворцы,/ посетите немощи наша://туне приясте, туне дадите нам.

### Кондак, глас 2:

Благодать приемше исцелений,/ простираете здравие сущим в нуждах,/ врачеве, чудотворцы преславнии,/ но вашим посещением/ ратников дерзости низложите,//мир исцеляюще чудесы.

## Величание:

Велича́ем вас,/ чудотво́рцы сла́внии (*ѿмярек*),/ и чтим честна́я страда́ния ва́ша,/ я́же за Христа́// претерпе́ли есте́.

## Христа ради юродивого

### Тропарь, глас 1:

Глас апо́стола Твоего́ Па́вла услы́шав, глаго́люш:/ мы юрoди Христа́ ра́ди,/ раб Твой, Христé Бóже, (*ѿмярек*)/ юрoд бысть на землѣ Тебé ра́ди;/ тѣмже па́мьят егo почита́юще,/ Тебé мо́лим, Го́споди:// спаси́ ду́ши на́ша.

### Кондак, глас 8:

Вы́шняя красoты желáя,/ нѣжняя сла́сти телéсныя то́щно оста́вил еси́,/ нестяжáнием сýтнаго мѣра, А́нгельское житиé проходя́,/ сконча́вся, (*ѿмярек*) блаже́нне, // с нѣмиже Христа́ Бóга моли́ непрестáнно о всех нас.

## Величание:

Ублажа́ем тя,/ святы́й пра́ведный (*ѿмярек*),/ и чтим святу́ю па́мьят твою́,/ ты бо мо́лиши о нас// Христа́ Бóга на́шего.

# ТРОПАРИ И КОНДАКИ ДНЕВНЫЕ

## В понедельник, Небесных чинов Бесплотных

### Тропарь, глас 4:

Небéсных во́инств Архистратѣзи,/ мо́лим вас при́сно мы недостoйнии,/ да ва́шими моли́твами оградите́ нас/ кро́вом крил невесте́ственныя ва́шея сла́вы,/ сохраня́юще нас, припа́дающих приле́жно и вопи́ющих:/ от бед изба́вите нас, // я́ко чиноначáльницы вѣ́шних Сил.

### Кондак, глас 2:

Архистратѣзи Бóжии,/ служителие Божéственныя сла́вы,/ А́нгелов нача́льницы и челове́ков наста́вницы,/ полéзное нам просите́ и ве́лию мѣлoсть, // я́ко Безплoтных Архистратѣзи.

## Во вторник, Крестителя и Предтечи Иоанна

### Тропарь, глас 2:

Па́мьят пра́веднаго с похва́лами,/ тебé же довлéет свидéтельство Госпoдне, Предте́че:/ показáл бо ся еси́ войстинну и проро́ков честне́йший,/ я́ко и в струя́х крестити сподoбился еси́ Проповéданнаго./ Тѣмже за истину пострада́в раду́ясь,/ благовестил еси́ и сýщим во а́де Бóга, я́вляшагося плoтию,/ вземлю́щаго грех мѣра//и пода́ющаго нам ве́лию мѣлoсть.

### Кондак, глас 2:

Проро́че Бóжий и Предте́че благодáти,/ главу́ твою́, я́ко шѣпок свяще́ннейший, от землѣ обрeтше,/ исцелéния всегда́ прие́млем,/ ѿбо па́ки, я́коже прѣжде, // в мѣре пропове́дуеши покая́ние.

**В среду и пятницу, Креста**

**Тропарь, глас 1:**

Спаси, Господи, люди Твоя/ и благослови достояние Твое,/ победы на сопротивных даруя// и Твое сохраняя Крестом Твоим жительство.

**Кондак, глас 4:**

Вознеси́ся на Крест волею,/ тезоименитому Твоему новому жительству/ щедроты Твоя даруй, Христэ́ Бо́же,/ возвесели нас силою Твоею,/ победы дай нам на сопостаты,/ пособие имущим Твое оружие мира,// непобедимую победу.

**В четверг, апостолов и святителя Николая**

**Тропарь апостолов, глас 3:**

Апостоли святии,/ молитве Милостиваго Бога,/ да прегрешений оставление// подаст душам нашим.

**Кондак апостолов, глас 2:**

Твёрдые и боговещанные проповедатели,/ верх апостолов Твоих, Господи,/ приял еси в наслаждение благих Твоих и покой:/ болезни бо оных и смерть приял еси паче всякаго всеплодия,// Еди́не, сведый сердечная.

**Тропарь святителя, глас 4:**

Правило веры и образ кротости,/ воздержания учителя/ яви ты стаду твоему/ Яже вещей Истина./ Сего ради стяжал еси смирением высокая,/ нищетой богатая,/ отче священноначальниче Николае,/ моли Христа́ Бога,// спастися душам нашим.

**Кондак святителя, глас 3:**

В Мирех, святе, священнодействие показался еси,/ Христово бо, преподобне, Евангелие исполнив,/ положил еси душу твою о людех твоих/ и спасл еси неповинных от смерти./ Сего ради освятился еси,// яко великий тайник Божия благодати.

**В субботу, всех святых, и за умерших**

**Тропари, глас 2:**

Апостоли, мученицы и пророцы,/ святителие, преподобнии и праведнии,/ добре подвиг совершивши и веру соблюдши,/ дерзновение имуще ко Спасу,/ о нас Того, яко Блага, молитве// спастися, молимся, душам нашим.

Помяни, Господи, яко Благ, рабы Твоя,/ и елика в житий согрешивша, прости:/ никтоже бо безгрешен, токмо Ты,// могий и преставленным дати покой.

**Кондаки, глас 8:**

Со святыми упокой,/ Христэ,/ души раб Твоих,/ идеже несть болезнь, ни печаль,/ ни въздыхание,// но жизнь безконечная.

Яко начатки естества Насадителю твари,/ вселенная приносит Ти, Господи, богоносных мученики;/ тех молитвами в мире глубоче// Церковь Твою, жительство Твое Богородицею соблюди, Многомилостиве.